



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

XIII. Achim, Albrecht und Otto von Blankenburg reversiren sich gegen den Churfürsten wegen des Schlosses Wolfshagen, keine Friedensstörhungen und Räubereien daraus vorzunehmen, im Jahre 1456.

---

---

**Nutzungsbedingungen**

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

**XIII.** Achim, Albrecht und Otto von Blankenburg reversiren sich gegen den Churfürsten wegen des Schlosses Wolfshagen, seine Friedensstörhungen und Räubereien daraus vorzunehmen, im Jahre 1456.

Wir hirna geschreuen mit namen Achim, Albrecht vnde Otto von Blankenborch, tom wulfeshagen, Bekennen openbare mit dissem briue vor vns vnd alle vnne eruen vnd fast vorydermenniglikien, dy en sehen edder horen leisen, als wy denn vmb etlicker ouerfarung willen jn des jrluchten Hochgebarn furten, vnnes gnedigen liuen hern, hern Fredericke, Marggrauen to Brandemborgk, des hilgen Romischen Rikes etc., vngnade vnde vngunst komen weren, darumb syne gnade mit ernste to vns gedencken wolde, vnde wy sinen gnaden dat slot wulfshagen mit aller finer tobehorung willicklikien vnd gantz to finer gnaden henden gefettet, em dat ingegeuen vnd vns mit Liue vnd gude jn syne gnade gegeuen hebben, Also vmb flitiger bede willen vnser frunde, ock etlicker manne vnd stede der margke, hefft vns syne gnade wedder to gnaden vpgenommen vnde vns dat gemelte Slot wulfshagen mit allen tobehorungen, als wy dat var gehat hebben, wedder gegeuen vnd vorleghen, des wy syner gnaden alle tyd willicklikien, danken vnd gelouen darby vestiglick, by vnnes gnedigen hern vnd finer truwen, dat wy vnde vnse eruen vns mit sodan Slot vnd alle finer tobehorung by den genanten vnser gnedigen hern vnd finer gnaden landen, luden vnd der marggraffschap to Brandemborch to ewigen tyden alle tyd holden vnd bliuen scholen vnde willem, als gegen vnsem rechten naturlikien eruehern, vnd als wy van funderliker plicht vnd eide wegen to don plichich sind. Na dem wy sodan slot mit aller tobehorung van sinen gnaden vnd der marggraueschop to lehen hebben vnd allen tyt vnse eldern vnd wy hebben gehat. Wy scholen noch willen ok vnne keiner furder, mer von sodanen flote neyne krige edder sehde maken, na rofery dauon edder darto don edder gestaden bynnen noch buten landes jn keinerley wisse, Sunder die gnante vnne gnedige here vnd syne eruen vnd nakomen scholen vnser alletyt to like vnd rechte gen ydermenniglick mechtig wesen vnd scholen vnd willen ok by fasten louen des genannten vnnes gnedigen heren vnd finer lande frede vnde vnfrede mit dem genannten slot holden gegen wem dat sy, nymand vtgenommen vnd an behelpung. Dat genante slot schal ok alle tyt vnd ewig der genanten vnnes gnedigen hern, finer eruen vnd nakamen vnd der Marggraueschop to brandemborch open slot syn vnd bliuen to allen Iren noden krigen vnd geschestten gegen idermenniglick. Weret auer dat wy daran ouerfarung deden, vnne einer edder wy alle, vnd krige vnd rofery furder douon edder dar to, edder fulker yonden, so bewillen wy vns der jm dissem briue, welke vnse eyne sodan brock edder rofery furder douon edder dar to deden, edder gestaden worde bynnen edder buten landes, den fullen wy die andern vp sodan slot nicht wedder lathen vnd schal sodans fines deyls vorfallen sein, vnde vnne gnedige her schal sodans deyl des flotes mechtig wesen eyne to nhemen vnd sinen voget vp sodan deyl vnd finer tobehorung setten vnd det innholden vnd domit faren, als mid dem sinen, glick oft he dat vor allem rechte hedde erstanden vnd vtgeclaget. Geschee edder sodan brake edder rouery von vns allen von dem Slot vnd edder darto, so scholen wy des flotes vnd aller tobehorung vnsem gnedigen hern vorfallen sin vnd scholen sinen gnaden des affreden, syn gnade schal dat ok an rechte forderung jnnehmen vnd darmit don, na finer gnaden willen, von vns vnser eruen vnbedeidingt, glickerwifs est he vns dat mit allen rechte afferstanden vnd erclaget hett, an allie geuerde. Vnd dat wy alle sodan artickel vnde dusien geuenwartigen briue vor vns vnne eruen ewiglicken also fast holden willen, hebben wy dat dem genanten vnsem gnedigen hern, sinen eruen vnd nakomen by sodaner huldung vnd eyden, so wie sinen gnaden van nyes van des flots wegen gethan hebben, gelouet an geuerde vnd to rechter warer vr-